



هزنا بثت الكرم يوم يطويه الأمير



حن قلبي حن نود ظوامي حيام
في سموم القipzig والماء نرح من كل بير
وحن قلبي حن من هو فقد خال وعمام
وسط ساحات الوغى ثم غدا ساقه كسير
واتوجد والتوجد ما يبري لألام
كلها حزن على صاحب القلب الكبير
بعد فرقا طلتك يا الإمام ابن الإمام
اشهد ان فرقك ياسيدي بالذات غير
كم بكتك عيوننا في النهار وفي الظلام
بعد ماجانا النبا عبر موجات الأثير
ندري إن الموت حق على كل الأنام
ليت يفدونك هل الشر والفعل الحقير
لكن انها دورة الوقت في روس الكرام
يا زعيم جات فرقاه تدمي بالضمير
سيدي نبكيك شوق وحب واحترام
سيدي نبكيك حزن وطى الضلع القصير
سيدي نبكيك فرقا مع ليل الغمام
كل ما قبل يجلب لهم بالحزن المرير
سيدي يبكيك طير الخضيرا يوم حام
والنوايف والصحارى مع البحر الغزير
يوم شفنا القبر والناس من شرق وشام
فاضت دموع المواع مع اليوم الأخير
ونتلفت في بثوت على ناس قيام
وهزنا بثت الكرم يوم يطويه الأمير

كلنا شعب نباع على حرب وسلام
من عهد جدونا في كبير وفي صغير
الوطن حبه شربناه من سن الفطام
لانخون ولا نفرط ولا نقبل خشير
حسين القفيلي

لكن يهون عزانا رفيعين المقام
عزوة العوجا هل المجد والسيف الشطير
البقاء سلمان خادم بيوت الله الحرام
المحنك والسياسي وفي الحكمة شهير
وفي ولي العهد مقرر على الشدة حزام
وفي حفيد معزي محمد الرجل الخبير

إن مت ما ماتت فعولك مع الناس

مرحوم يامن راح ما ودع الناس
عن البشر روح وحيد لحالي
إن مت ما ماتت فعولك مع الناس
تبقي دوام الدوم مضرب مثالي
البال من فرقك يا شيخ منحاس
يا شيخ عبدالله كريم السبالي
أرثيك من قلبي وفكري والاحساس
ياصيرمي راعي الفعول الجزالي
من غير عبدالله لنا يرفع الرأس
يا كود سلمان الفخر في الرجالي
واخوانه اللي عزهم ماله قياس
أل سعود اللي تهد الجبالي
شجعان من صقر الجزيرة لهم ساس
عبدالعزیز اللي رقا كل عالي
شيوخ قوم لأهل الخير نبراس
والعزم ما قدامهم مستحالي
مبروك النامي

مرحوم أبو متعب عسى الخلد مثواه

مرحوم أبو متعب عسى الخلد مثواه
العاهل اللي نال حب وزعامه
واليوم كل الشعب يعلن امواله
لحر الحرار العز يلبس وسامه
مضرب مثل للمعدل طبعه ومنشاه
سهل بحال وحال عنده صرامه
ان جاله المظلوم يبشر بمنجاه
وقدامه الظالم ترافل عظامه
ومقرن يبين لك الوفا في محياه
رجل التواضع والكرام والشهامه
قاييد صقور الجو وقت الملاقاه
لا اشتد في يوم الملاقاه عسامه
ويسلم ابن نايف عسى الرب يحماه
رجل الامن سور رفيع مقامه
نحب أبوه وصل مثله وحلياه
من حنكته مكسب عدانا ندامه
وانا جنوده فالواقيف نغداه
دون الوطن لا امره يحصل تمامه
الموطن اللي كلمة الحق مبداه
الدين فيها غاية الاستقامه
نحمي ثراه وديونه نوقف عداه
ومن قصر بحقه لحقته ملامه
امن الوطن لابن الوطن غاية مناه
من يفقد امنه فاقدر للسلامه
غنام مسعود القريني

مرحوم ياللي له افعاله دلايل

نبيكي عليه فرقا كل المساكين
وايتام وارامل افراد وعوايل
وقولوا الطفل قال بابا غدى وين
بالقلب عبدالله له الكل شايل
مرحوم ياللي ما مشى يوم للمشين
مرحوم ياللي كل حياته فضائل
مرحوم ياللي عاداته يفعل الزين
مرحوم ياللي له افعاله دلايل
صقر العروبة على فعله براهين
باتع وفايق دوم وافي وطايل
عبدالله اللي فاق نظم التلاحين
الليث ابو متعب عريب السلايل
لو العمر يفدى حضرنا سريعين
بس المنايا ما تعرف البديلايل
امر السولي واطلب عسى الله لنا يعين
الشعب ضايق شاف هم وهو ايل
مالوم من يبكي ومن يغرق العين
دامه على حبيب صار سايل
الناس ما تبكي يا كود العززين
اللي لهم دايم افعال جلايل
يا عين لو على ابو متعب تنوحين
ما حد يلومك راح عز الدخايل
راح الزعيم وجا بداله زعيمين
اخوانه اللي يرفضون الفشايل
سلمان ومقرن كل ابوهم ثقيلين
يرجعون اخفافها والثقايل
واختامها عسى ابو متعب بعليين
وصلوا على المختار باخر مثايل
حميد خلف العوادي العنزي

